

中國科學院圖書館整理

續修四庫全書總目提要（稿本）

齊魯書社

安南雜記一卷 寧海類編本

清李仙根撰。仙根字子靜，遂甯人。順治十八年進士，官至戶部侍郎。康熙六年，安南國王黎維禧奪都統使莫元清高平地，元清奔雲南，上疏陳訴。維禧亦上疏言興兵復讐本末。仙根時為內院侍讀，奉命偕兵部主事楊兆傑齎勅往諭維禧罷兵，以高平土地人民歸元清。仙根使還，撰安南史事紀要及是編以識其事。考安南史書歷代國王帝制自為名號，自行於國中而不以通中國。上疏則別具一名，維禧在本國

續修四庫全書總目

卷

史部地理類

實名維禧。元清實名敬字，是編所記安南制度風物詞多詆毀，如衣冠飲食之簡，王官民居之陋，風俗淫蕩無恥，知文字而不甚貫通，並以愚疑詐愾四字評之，殊為乖舛。安南久沐中國文化，縱俗尚稍異，亦不致如仙根所言之甚。殆仙根見聞未審，抑胸有成見，故加貶詞歟？且紀錄甚簡，未足以資考證也。

伊犁日記一卷 北江全集本

清洪亮吉撰。亮吉字稚存，陽湖人。乾隆五十五年進士，授編修，督學貴州。嘉慶四年，以上書得罪，遣戍伊犁。是編乃其紀行之作，始是年八月二十八日之發京師，迄次年二月初十日之抵戍所，排日記彙行程瑣事，於沿途未嘗考訂古蹟，品題名勝。亮吉別撰有出塞紀聞，謂至保定甫知有廷寄與伊犁將軍，有不許作詩，不許飲酒之諭，是以自國門及嘉峪關凡四匝月不敢涉筆，及出關後獨行千里，不見一人，經天

續修四庫全書總目

卷

史部地理類

山涉瀚海，聞見恢奇，為平生所未有。遂偶一舉筆，然要皆描摹山水，不敢及餘事。云云，是知其有所顧忌，未敢多言也。

天山客話一卷 北江金集本

清洪亮吉撰亮吉以嘉慶五年二月十日抵戍所至閏四月三日特旨釋還統計居戍所未及百日是編乃在戍所條記之山川物產遺聞瑣事凡五十餘則亦無所考證發明前有道光甲午徐松序稱後十有一年余亦戍伊犁居彼中八年曾奉檄回疆又纂成議略自謂蒐輯粗具梗概今讀天山客話尚有數事余未及收錄先生居伊犁僅百日而見聞該洽如此云云蓋文人推重之詞是編與新疆識略體例原不同也

續修四庫全書總目

卷

史部地理類

同也

唐賈耽記邊州入四夷道里考實五卷 宋趙齊刊本

清吳承志撰承志字祁甫錢塘人光緒中官平陽訓導生平精研輿地之學卒後其友吳廣垞整理其遺稿於叢殘中得此稿百餘紙蠅頭細書凡五篇為之排比釐為五卷舊無標題與名乃定名曰唐賈耽記邊州入四夷道里考實曰考實者用江陰賈春秋地理考實例也考唐書藝文志著錄有賈耽皇華四達記十卷古今郡國縣道四夷述四十卷於蕃國遠近四夷道里所識必詳惜皆佚而不傳唐書地理

續修四庫全書總目

卷

史部地理類

志曾節錄其文於卷末謂從邊州入四夷通道凡七今承志所考釋者僅三道曰營州入安東道曰登州入高麗渤海道曰安南通天竺道前二道各為一卷後一道析為三卷曰安南至永昌道曰諸葛亮城至摩揭陀道曰驪州至真臘道每卷皆先錄原文後加考證不分段落乃至一篇累五六萬言用力可謂勤矣惟所據者多本國載籍間有西書譯本類皆膚淺之作故於西方學者舊有考證未能鉤通安南通天竺道伯希和考證頗為精審是編竟未徵引及之遂

致穿鑿附會不一而足或合數地為一地如謂朱波為閩婆轉為蒲甘之例是或分一地為兩地如謂唐書西域傳之迦沒路與西域記之迦摩樓波別為兩國之例是尤謬者妄解地名如宋史真臘傳謂其國南抵加羅希乃以加羅希即加刺滿之誤而加刺滿又為滿刺加之倒置識如其說則史傳譯音無不可通矣承志別有考證西北輿地之文散見遼齊文集訛誤亦多類此然是編鈎稽載籍之文至為賅瞻雖失之繁冗要可備後人之參稽也

回疆通志十二卷 北平圖書館藏舊鈔本

清和寧撰和寧滿洲旗人乾隆進士嘉慶中為辦理回疆事務參贊大臣回疆志書先有蘇爾德回疆誌僅具輪廓未免闕漏是編成於嘉慶九年首一卷以御製詩文弁冕簡端次五卷為回部王公台吉傳凡總傳二列傳二十有二吐魯番哈密土爾扈特等部附焉次六卷為南疆八城及吐魯番哈密二城分志首載喀什噶爾以南疆回務統歸喀什噶爾參贊大臣節制故也每城各分沿革疆域山川建置古蹟官制營伍糧餉賦稅卡倫軍台伯克諸子目各志詳略不等子目不必皆備外藩部落僅載布魯特部附於烏什志後末一卷載回族風俗物產乃第錄七十一西域聞見錄之文卷帙雖較回疆志為多然亦僅具崖略而已核其體例乃傳記而兼方志之書而於回疆各城地理沿革所考證惟專志回疆者撰述無多特錄而存之以備輿記之一種云

新疆志四卷 北平圖書館藏舊鈔本

清蘇爾德撰蘇爾德字韜園滿洲人乾隆己卯回疆
初平吏部尚書永貴坐事謫守回疆為喀什噶爾參
贊大臣嘗就耳目所及詢訪所得草創回疆誌一編
適蒙內~~事~~未及成書乾隆己丑蘇爾德奉命駐劄喀
什噶爾以事越十年不無參差乃就永貴原本詳加
考核廣為蒐訪刪其冗複增其簡略乾隆壬辰成書
釐為四卷首御製碑文回疆輿圖天時地理山河城
池次回疆宗教風俗物產雜記次官制戶口次賦役

續修四庫全書總目

卷

史部地理類

錢法刑法陸卡郵驛外夷是編之成雖晚於西域圖
志十年然圖志總括西域是編專誌回疆其文各有
詳略可以互相參證惟是編專述回疆當時情形於
國家建置地理沿革皆略而不言雖未及圖志之詳
備然其考證疏舛之處亦較圖志為少回疆前無專
志錄此一編庶不沒其草創之功焉

新疆事略 不分卷北平圖書館藏舊鈔本

闕撰人名是書無目錄序跋後有朱筆一行題而成
十月初五看七字書中著錄年月最晚不過嘉慶十
三年此兩成疑指道光兩成今書不分卷第首北路
道里次巴里坤古城烏魯木齊庫爾喀喇烏蘇精河
塔爾巴哈台諸城次南路總說次喀什噶爾英吉沙
爾和闐烏什阿克蘇庫車喀喇沙爾諸城次吐魯番
哈密伊犁而以邊衛外裔殿焉各城之下首舉其戶
口四至次分官制兵額屯務廠務錢糧貢賦卡倫軍

續修四庫全書總目

卷

史部地理類

台等子目然不盡備載阿克蘇條下子目獨多錢法
哈密條下多營塘伊犁條下多祠祭河渡堤堰操演
等子目操演一目記錄特詳南路八城闕葉爾羌應
係傳寫偶遺全書繕寫草率似出庸劣胥吏之手殆
備檢尋舊案之用者也

新疆建置志四卷 民國三年刊本

清宋伯魯撰。伯魯字芝田，醴泉人。是編成於光緒丁未。蓋伯魯領新疆通志局時，草創之稿也。體裁仿漢書地理志，徵引繁富，駁辨精審，為自來考證西域建置之沿革者所莫及其間。若闕西域圖考以全滿金蒲為兩地之誤，闕西域圖志以哈密為杆果轉音之誤，從法人伯希和說以今溫宿當漢之姑墨，以今烏什當漢之溫宿，從辛卯侍行記說以元史之仰吉八里當今之昌吉，皆足以證前人考訂之疏，惟以西突厥之可汗浮屠城唐之金滿縣當今之濟木薩其說，創自西域水道記，伯魯採錄其說而不註明出處，又唐之斫句迦核以道里疑在今葉城縣治，而伯魯仍襲舊說以今莎車當之，未免白璧微瑕。然其鉤索考證之勤，可謂前無古人也。

續修四庫全書總目

卷

史部地理類

瀛寰譯音異名記十二卷 光緒甲辰刻本

清杜宗預撰。宗預字武丞，湖北松滋人。是編亦襲輯舊譯各書與地名稱之作，凡十二卷。前七卷錄國部城地各島附屬，後五卷錄山水海地土角附屬。體例略同陳士芑海國輿地釋名，然其精審則不及也。士芑之書用力甚勤，比錄地名古今皆備，是編則詳今而略古，偶一採錄之古名，多概拾瀛寰志略海國圖志西征紀程諸書之說，殆未鉤稽原編。若唐書元史西域記海錄等書，似未直接徵引，而所錄今名亦不

續修四庫全書總目

卷

史部地理類

無舛誤。有混兩地為一地者，有析一地為兩地者，夫譯語對音固無定字，然古譯名類多謹嚴，不無譯例可尋。但自海錄以下，譯名多從方言，粵人所譯為粵音，閩人所譯為閩音，推之齊楚晉豫莫不皆然，其中差互遂未能以同聲字母求之，則於晚出諸譯本中哀輯譯名而比附之，殆非此十餘卷書所能盡。前有楊守敬序，稱自史漢以來所載殊域地理，今多不能實指其地，然博訪周諮，未必不可得其崖略云云，蓋亦病其通今而不知證古也。

西征紀程四卷 光緒十七年刻本

清鄭代鈞撰代鈞字沅帆湖南新化人光緒十一年
隨使歐西後充京師大學堂教習官至學部參議光
緒末刻中外輿地全圖當時稱為輿圖佳本是編乃
其隨使西行所撰行記始光緒十一年二月十三日
之發自上海終三月二十五日之抵倫敦在途凡四
十一日隨日記載見聞代鈞精研輿地故於所歷諸
地之古今沿革考證尤詳且能旁考西籍而不拘泥
舊說如三月初二日記之考玄奘遊蹤徵引及於恭

續修四庫全書總目

卷

史部地理類

寧翰之印度地理二月二十一日記謂柴棍西貢皆
一聲之轉疑為周達觀真臘風土記中之雞棍二月
二十六日記謂唐書地理志所言佛逝國似即三佛
齊並為前人考證之所未及三月初九日記謂元史
之馬八兒在南印度雖不能證其為宋史之注輦然
較之徐繼畲瀛寰志略以屬阿比西里亞魏源海國
圖志以屬埃及者為得其真餘考雖不無舛誤然皆
瑕不掩瑜猶不失為近代輿記中之佳作足備講地
理學者之取資焉

使西紀程二卷 初刻本

清郭嵩燾撰嵩燾字筠仙湖南湘陰人道光進士官
至兵部左侍郎光緒二年奉命出使英國以是年十
月十八日發自上海十二月初八日行抵倫敦是編
乃其行紀排日錄其見聞於所歷諸地之地理物產
敘述尤詳間辨正瀛寰志略之誤餘若十一月十九
日記各國旗式十二月初八日記英國幣制在今為
常識然在當時殆為創聞也

續修四庫全書總目

卷

史部地理類

奉使英倫記一卷 振綺堂叢書本

清黎庶昌撰庶昌字莼齋貴州遵義人康貢生官至川東道兩使日本影鈔唐宋舊籍成古逸叢書是編乃光緒二年庶昌隨郭嵩燾出使英倫記行之作首由上海至倫敦之里程次由倫敦至柏林路程記略次英國進出款項大數次耶穌復生日之節凡四篇所記海程簡略特甚然可與郭嵩燾使西紀程互相參證末二篇涉及國計民俗不盡屬地理今姑從全書標題附之地理類焉

續修四庫全書總目

卷 史部地理類

南圻地輿誌一卷 同治十一年刻本

未著撰人姓名一作南圻六省地輿誌首有壬申自序後題嘉定城鳳油里居士惟明氏惟知其人為越之南圻人而是編乃繼嘉定通志而輯也案南圻在越國之南阮福映建國時定都富春始有南北之號凡屬承天諸省謂之京畿以北謂之北圻以南謂之南圻今南圻置省十六而是編僅載邊和嘉定定祥永隆安江河僊六省考越南省制嘉隆年間南圻設邊和嘉定定祥永清朱篤河仙六鎮明命申廢鎮置

續修四庫全書總目

卷 史部地理類

省改永清曰永隆改朱篤為安江晚至同慶元年始改今制因知是編所誌者乃明命同慶間之朝之舊制序題壬申乃嗣德二十五年也全書以省為經各誌其府縣山川汛口驛路間及物產古蹟河仙一省原為粵人鄭玖所開闢黎氏永盛時玖以地獻始置河仙鎮是編河仙省志稱古屬荒陬孝哲王時有北國人姓鄭者來此墾闢有部衆臣於南朝哲王授以總兵之職迨丙辰承祐其子天錫襲封琮德侯天錫有學問招致文學作河仙十詠描寫景致才韻風流

一方稱重云云蓋指其事所謂北國鄭姓即指粵人鄭玖孝哲王即越之裕宗黎維禔永祐乃懿宗黎維祿年號永祐丙辰乃乾隆元年則是編不僅載南畝輿地而其遺聞瑣事亦頗足以補中國史書之所未備焉

外國傳八卷 西堂餘集本

清尤侗撰侗字展成長洲人弱冠補諸生除永平推官康熙中召試鴻博授檢討分修明史撰志傳多至三百篇是編蓋為所修明史外國傳之舊稿大致採摭使西域記瀛涯勝覽星槎勝覽東西洋考等編及明實錄之文翦裁鑄鑄而成間亦採及前史及島夷志略今以明史外國傳對勘互有詳略有是編有傳而明史無者如吉里地悶等傳是已有明史有傳而是編無者如麻林等傳是已殆侗於實錄與記之文未能遍檢而明史復將其所錄宋元時人輿記之文概為刪削也然是編誤採東西洋考之說考證錯誤之處如暹國為古赤土蘇門答刺為古大食柯枝為古盤盤阿丹為古單單撒馬兒罕為漢尉賓明史皆因襲其誤有是編不誤而明史獨誤者爪哇即古閩婆哈烈即黑婁蘇門答刺即須文達那明史皆析為兩傳有是編獨誤而經明史刪削者如謂婆羅為古師子國覽邦為漢疏勒國之類是已明史爪哇傳載宣德七年八百表書一千三百七十六年是編作一

千三百三十六年。案南海用憲迦紀年。紀元之始乃漢建初四年。則一千三百三十六年。應當永樂十二年。一千三百七十六年。應當景泰五年。皆非宣德七年。兩書皆誤。未知孰是。明史坤城傳後列舉二十九部。謂采諸故牘。是編卷七後別為一條。列舉西域諸國三十有三。謂本桂芳廣輿圖。可以考見出處。則欲考有明一代外國之事。是編未可廢也。

續修四庫全書總目

卷

史部地理類

西遊錄今釋一卷 南園叢稿本

民國張相文撰。相文字懋西。江蘇泗陽人。長於輿地之學。西遊錄舊有李文田注。丁謙考證。皆未免疏舛。是編所考。僅屈昉條引五燈會元。釋為棉心所織衣。外別無新說。既謂別失八里。即今烏魯木齊。又引西域水道記。謂在今保惠城北之護堡子。未免_{自注}矛盾。元之可弗。又即欽察之同名異譯。乃謂可弗。又見唐書波斯傳。有北隣突厥。可弗又部語。今案唐書波斯傳。僅謂北隣突厥。可薩部。未言可弗。又即可薩。唐書所本之文。出杜環經行記。原謂苦國北接可薩突厥。唐書西域傳。又作突厥曷薩。與元之欽察。余之哈薩克。毫不相涉。乃牽合為一。亦失之附會。餘若謂黑色印度指波斯。亞剌伯諸處。引雙溪醉隱集。丁零詩。注謂元人探險。已至北極。則更為穿鑿矣。是編所釋。未見能勝前人。似可不必作此屋下屋也。

續修四庫全書總目

卷

史部地理類

南洋述過一卷 通學齋叢書本

是編闕撰人名前後無序跋亦不詳撰作年月卷中述及安南事有受制於法人不知能自立否等語疑作於光緒甲申以後所記者乃自呂宋乘帆海赴新嘉坡歷述所經諸島事核其行程似從呂宋歷蘇祿海西里伯海馬加撒峽爪哇海西抵新嘉坡述安門島最詳至抵爪哇之泗里末後於西北赴新嘉坡之行程竟無一言及之殆為未完之稿所述海中奇物頗涉怪誕述安門島見明宗室事亦近小說家言殆

續修四庫全書

卷

史部地理類

有所點染緣飾譯音亦多舛誤所述安門武羅二島之南似祇有安波音布魯二島足以當之南南海語名安波音島曰安奔島則安門為安奔之訛矣

新嘉坡風土記一卷 雲鶴閣叢書本

民國李鍾珏撰鍾珏字平書清末官知縣入民國以字行是編乃光緒丁亥訪友新嘉坡時所作不分門目隨事記錄書雖一卷而於地理風俗制度物產靡不賅載考新嘉坡島初隸三佛齊後屬滿者伯夷明以來隸柔佛汪大淵島夷志略龍牙門條有山名單馬錫即此地之舊名自元以來已有中國人僑居是編謂百年前為一荒島嘉慶二十三年英人得之遂設商埠云云蓋言英人開港事英人未至以前其地已為東西航船往來之要衝島夷志略謂船往西洋本番置之不問回船之際至吉利門船人須駕前棚張布幕利器械以防之足證其非荒島雖俗尚劫掠耳據近日西書考證元末明初時滿者伯夷斥地至於新哈補羅新哈補羅國王遷居新都名滿刺加此新哈補羅即為新嘉坡今名所自出尤足證滿刺加國未興以前早已自成一國是編雖誌隸英時事然文義賅瞻不在真臘風土記下錄而存之亦可以補史傳之佚闕也

續修四庫全書

卷

史部地理類

印度劄記二卷 得一齋雜著本

清黃楸材撰。楸材字豪伯，江西上高人，熟於數理。光緒四年，四川總督丁寶楨以西藏通印度，英人佔據大吉嶺，與衛藏逼近，奏派楸材遊歷印度，察看形勢，繪畫輿圖，以資考證。楸材於是年七月由蜀起程，次年閏三月到孟加拉，遊歷印度西北諸部，凡閱六月歸國。後以所撰輿圖行紀進呈，其往來行程詳詳所撰西轡日記中。是編則因留生孟加拉一埠最久，就見聞所及，隨時劄記而成。凡二卷，上卷記環開辟

續修四庫全書總目

卷

史部 地理類

事下卷記五印度部落，所記印度地名多據譯人之辭，音字未免舛謬。所考古代地名亦頗多附會牽合，如卡里格達埠位在今胡利江右，楸材以江名作危枝黎，考鄒道元水經注有枝危黎大江，即恒水也。枝危黎應為拔危黎之誤。楸材未正其誤，而又譌作危枝黎，以爲今之胡利江考證殊為疏舛。然是編主於知今，不主於考古，自諸僧行傳以後，記述印度之書絕無錄而存之，亦足以補其闕也。

帕米爾圖說一卷 漸學齋叢書本

清許景澄撰。景澄字竹筠，嘉興人，同治進士，官至吏部侍郎。帕米爾地介三國間，為英俄必爭之地。光緒十七年，俄兵游弋其境，總理衙門根據喀什噶爾界約與俄國爭，俄以中國於邊界地勢山川一概未悉，遂稱喀約不足據，不有實指之某山某水，何能議界。蓋難中國必不能舉地名以相爭也。景澄時出使俄國，錢恂隨行，因指諸舊籍，證以西書西圖，撰為分界私議，又與德意志人金楷理博訪東本繪成此圖。十八

續修四庫全書總目

卷

史部 地理類

年九月圖成。景澄復為說以明之，並摘譯英俄人遊記三種附後，以資印證。究界址之起訖，辨山川之脈絡，在舊日輿圖中堪稱佳本。總理衙門即據此圖說與俄議界，雖未成，而界址地名由中國開示，乃前此未有之事。今欲考帕米爾之地勢，在中文圖籍中固捨此莫屬也。

帕米爾輯略一卷 漸學廬叢書本

清胡祥鐸撰。祥鐸元和人。輯有漸學廬叢書。光緒壬辰俄爭帕米爾之事起。祥鐸因輯此事之官私文件而成。是編首總理衙門奏稿。次出使俄國大臣許景澄奏稿。次出使英國大臣薛福成奏稿。次福成撰帕米爾及附近諸地考略。次西人撰帕米爾考略。克什米爾考略各一篇。次印度喀楚特圖說。次錢恂撰帕米爾分界私議。凡八篇。與帕米爾圖說合觀之。於土辰爭界之始末與夫蔥嶺之地勢一覽無餘矣。

續修四庫全書總目

卷

史部地理類

使德日記一卷 靈鷲閣叢書本

清李鳳苞撰。鳳苞字丹巖。崇明人。同文館生。光緒二年以候選道率員弁赴各國學習。四年署理出使德國大臣。是編記其奉命出使。自倫敦抵柏林沿途所見及在柏林往來酬應訪問視察之事。始光緒四年十月初二日。止於同年十二月二十九日。逐日記載。而無所發明。惟十二月初四日記出使俄國大臣崇厚抵德事。初五日記崇厚囑印地圖事。微資考核而已。時崇厚奉命與俄國議收還伊犁事。道經柏林。既知留心地圖。似非憤憤者流。然次年與俄訂喪權失地之約何耶。

續修四庫全書總目

卷

史部地理類

奉使俄羅斯行程錄一卷 藝海珠堂本

清張鵬翮撰。鵬翮字運青，四川遂寧人。康熙庚戌進士，官至文華殿大學士。卒諡文端。清初俄據黑龍江外雅克薩城，聖祖遣軍往征，俄遣使臣斐托囉東來議和。康熙戊辰，特遣滿大臣索額圖往議，繼又特命鵬翮等前往。時鵬翮官兵部督捕理事官也。是編記來往所經路途，始五月初二日之離京，迄八月十三日之復命，往還僅百日。逐日劄記沿途見聞，後附定邊界碑雜記，紀異方言題咏，核其道途所經，僅至喀爾喀境。六月二十五日記差參額、索羅和等三人持檄往諭，索羅和等馬行十六日至俄羅斯境，其國遣重臣斐托囉具舟楫送於色冷額，奉命惟謹，即撤其兵卒，歸雅克薩城及土田。考耶穌會士張誠行紀稱：於是年四月奉命隨同使臣赴西伯利亞，與俄人議和。在道四月，抵尼布楚，次年和議始成。云云，足證鵬翮等此行未與和議，雖奉使而足跡未至俄羅斯境也。惟所錄定邊界碑及所述道里山川民風物產，微足以資考證云。

續修四庫全書總目

卷

史部地理類

俄游彙編十二卷 光緒己丑刊本

清繆祐孫撰。光緒丁亥，朝命舉游歷，祐孫以戶部主事與選，奉命游歷俄羅斯國。於是年七月從海道至歐洲，十月抵俄都聖彼得堡，後循陸路東還。己丑年七月回京，因述見聞而成斯編。首俄羅斯源流攷等篇一卷，次疆域表三卷，次鐵路表一卷，次通俄道里表一卷，次山川形志水道記一卷，次舟師實陸軍制戶口略一卷，次日記四卷。凡其國之山川風俗制度文物以及往來之路程，無不詳載。其陸路所經多循圖理，探之舊輟，雖制度有沿革，形式有變遷，然大致可與異域錄互相印證。王先謙五洲地理志略俄羅斯篇多採其文，是宜錄而存之，以備參考云。

續修四庫全書總目

卷

史部地理類

五洲地理志略三十六卷首一卷 宣統二年湖南學務公所刊本

清王先謙撰首一卷列引用書目釋洲釋海卷一至卷十三述亞洲卷十四至卷十五述澳洲卷十六至卷十八述非洲卷十九至卷二十三述美洲卷二十四至卷三十六述歐洲內卷七卷二十卷二十一各分二子卷卷九分三子卷全書體例略仿徐繼畲瀛寰志略惟徐志以美國人推裨理地圖為藍本是編取材多本英國人雷文斯頓萬國新地志雷志所未詳雜採諸書以補之所採徐志較多志地之書後出

續修四庫全書總目

卷

史部地理類

為主故進雷大字取徐作注又仿吳郡志例注中復有夾注卷首列引用書目近百種而不及瑪吉士地理備考魏源海國圖志舊志中以此二本為較善未見採及洵不可解然是編所引古輿記文似多從魏志轉錄全書僅二十六二十七兩卷有圖蓋採何秋濤朔方備乘十三圖繆祐孫俄遊彙編三圖彙刻而成他卷無圖為例未免不純案近百年新刊五洲地志雖託始徐志然其書敘述簡陋考證疏舛實無可採錄故是編於亞洲地名之沿革多仍徐志之誤全

書編纂詳近而略遠亦其一失先謙自序稱凡覽諸

志敘述分譯音互殊難可推究爰綜厥綱領彙為一編欲以祛組弄之迷惑資方隅之考求於所不知義從蓋闕則其疏漏已自言之惟舊志五洲之書鉅帙之廣用力之勤海國圖志以後固不能不推是書取其徵引之博而置其考證之疏可也

續修四庫全書總目

卷

史部地理類

西域釋地一卷 粵雅堂叢書本

清祁韻士撰。韻士字鶴皋，山西壽陽人。乾隆戊戌進士，官戶部郎中。嘉慶甲子坐事戍伊犁，尋釋還。是編成於嘉慶丁卯戌辰間，列舉天山南北疆域山川，條分件繫，詞簡意賅，殆在戍中條記而成。惟於地名考訂間襲前人之誤，如謂今之烏魯木齊，唐為庭州，今之烏什，唐為尉頭，今之阿克蘇，漢魏為溫宿國，未免疏舛。千佛洞條記盲人掬水洗目，忽明，皆見洞佛事，殊失之誕幻。不經羅卜諾爾條謂其水潛行地下，

續修四庫全書總目

卷

史部 地理類

至青海，出為星宿海，以證河有重源，注于鹽澤之說，亦鑿空之談，未免白璧微瑕也。

出使英法義比四國日記六卷 庸齋全集本

清薛福成撰。福成字叔耘，一字庸齋，無錫人。光緒中出使英法義比諸國，官至右副都御史。光緒初年定例，出使各國大臣應將日記隨時咨報總理衙門，故奉使者多有日記之作。前人日記大抵詳於所歷程途，是編則於紀程之外，兼記交際、政俗、藝器諸端，凡瀛環之形勢、西學之源流、洋情之變幻、軍械之更新，並著於篇。乃紀程而兼劄記之書，日記中之別具一格者也。始於光緒十六年正月十一日，迄於次年二

續修四庫全書總目

卷

史部 地理類

月三十日，排日記載，有時旁稽舊牘，摘其大凡書之。所以此書首尾雖僅歷年餘，而交涉要件之可考者，已閱十有五年。福成留心邊裔地理，於安南疆域纂記尤詳，此為其他出使日記之所不及。足資參稽，不止一端。特以其記錄間係地理者獨多，故不入傳記雜錄類，而入地理類焉。